

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Pse Kina nuk pritet t'i bëjë presion Iranit para samitit Trump-Xi
ADRESA	https://boldnews.al/2026/09/23/pse-kina-nuk-pritet-ti-beje-presion-iranit-para-samitit-trump-xi/
BURIMI	boldnews.al
GJENDJA	online

KOHË


KAPUR NGA NE	23 shtator 2026, 18:50:37 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	23 shtator 2026, 12:40:38 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	c13f213ca1c7f19b1ec3eaa04cde76f9023789a6136d67281e653c7ec007fc88
TEKSTI	34ad4b86fb66b2f287b3a2441defaf8ca96f6fd37e4b959ed29815496822f2f4
PAMJA	7a7a84fdc4097b3469035a5d6900b40d3a589362ed23a0031c059e71e891c5d5

ZINXHIRI I PROVËS

KJO HYRJE	7b66b09ed74f2c4d6f04a8912587a2a98cfd0d6365f003d0fd7fdcea57c848a0
E MËPARSHMJA	—
RRËNJA MERKLE	0a84bfe3f4510e3e6e98dba2fbf96359a912d940176f0d9eba05fd7152dcd223
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/7b66b09ed74f2c4d6f04a8912587a2a98cfd0d6365f003d0fd7fdcea57c848a0>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px

Fillimi > BOTA

Pse Kina nuk pritet t'i bëjë presion Iranit para samitit Trump-Xi

14:40 : 23/09/2026 në BOTA



Në prag të një samiti të rëndësishëm SHBA-Kinë, të planifikuar për 24 shtator në Shtëpinë e Bardhë, Pekini duket se po vë në pah ndikimin e tij mbi Iranin për të fituar avantazh në negociatat me rivalin e tij kryesor gjeopolitik.

Pritjet për një përparim mes Shtetet e Bashkuara dhe Kinës lidhur me Iranin në samitin e ardhshëm në Uashington janë të pakta. Presidenti amerikan, Donald Trump, ka sinjalizuar se në këtë takim me udhëheqësin kinez, Xi Jinping, do të përqendrohet te rezultatet ekonomike, teksa udhëheqësi kinez është përgjigjur duke përfshirë në delegacion një grup drejtuesish të lartë të kompanive.

Por, në prag të takimit, ministri i Jashtëm kinez, Wang Yi, u takua me homologun e tij iranian, Abbas Araghchi, në Pekin më 16 shtator. Kjo ishte hera e katërt që dy zyrtarët kanë biseduar gjatë tre muajve të fundit.

Gjatë takimit, Wang vuri në pah se Pekini dhe Teherani janë “partnerë gjithëpërfshirës strategjikë”, një raport asimetrik që anon në favor të Pekinit.

Kina është partnerja më e madh tregtare e Iranit dhe destinacioni i mbi 80 për qind të eksporteve të naftës iraniane të transportuara përmes rrugëve detare, sipas kompanisë që bën analizimin e mallrave, Kpler. Megjithatë, Irani përbën vetëm 1 për qind të tregtisë së përgjithshme të Kinës, sipas të dhënave të Qeverisë kineze.

Lexo edhe:

[“Amerika është rikthyer”/ Trump fjalim në OKB: Jemi në krye të puthajse çdo gjëje](#)

[Turqia dhe SHBA-ja nënshkruajnë marrëveshje për reaktorët bërthamorë](#)

Kina, tha Wang, “është gjithashtu e gatshme të forcojë dialogun dhe bashkëpunimin me Iranin dhe të mbrojë të drejtat dhe interesat legjitime të Iranit”.

Ministri i Jashtëm kinez u bëri thirrje “të gjitha palëve” që të ndërmarrin masa për të “rihapur” shpejt Ngushticën e Hormuzit – një rrugë ujore përmes së cilës, para luftës SHBA-Iran, kalonte rreth një e pesta e furnizimit global me naftë dhe gaz – por, nuk shkoi aq larg sa t'i bënte presion drejtpërdrejt Iranit.

TË GJITHA



9 faqet e SHISH në makinën e Agasit, bashkëpunim apo nxjerrje informacioni? Ku nis përgjegjësia penale?

20:42 : 23/09/2026



Arrestohet në Rusi Shpëtim Aliu, një nga “bossët” e rrjetit të trafikut ndërkombëtar të kokainës

20:32 : 23/09/2026



Administrata Trump po përgatit planin për ndalimin 90-ditor të eksporteve të naftës

20:17 : 23/09/2026



Stresi dhe inflamacioni mund të dëmtojnë zemrën në heshtje

20:17 : 23/09/2026



Berisha përjashton bojkotin e Parlamentit: Do ishte në favor të Ramës

20:04 : 23/09/2026



Dosja e SHISH, Salianji: Shteti ka rënë në duart e bandave

19:55 : 23/09/2026



Haxhiu i ftoi në takim, familjarët e 4 ish-krerëve të UÇK-së refuzojnë: Pasi Kuvendi të marrë vendim për Hagën

19:47 : 23/09/2026

Ai gjithashtu nuk ofroi ndonjë plan konkret për ndërmjetësim.

“Kina nuk do të bëjë punën e rëndë” për t’i sjellë sërish SHBA-në dhe Iranin në tryezën e bisedimeve, tha për Radion Evropa e Lirë Elizabeth Freund Larus, hulumtuese e lartë në Institutin Pacific Forum.

Ajo vuri në pah se Kina përfiton në aspektin gjeopolitik nga ndikimi i konfliktit mbi burimet ushtarake amerikane, edhe pse Pekini përballlet me presion ekonomik nga rritja e kostove të energjisë dhe lëndëve të para.

Lufta në Iran i ka kushtuar Pentagonit më shumë se 38 miliardë dollarë deri më 1 gusht, sipas Zyrës së Buxhetit të Kongresit amerikan.

Për më tepër, gjatë muajve të fundit, Uashingtoni ka zhvendosur një numër të konsiderueshëm asetesh ushtarake nga rajoni Indo-Paqësor në Lindjen e Mesme.

Shtetet e Bashkuara tani nuk kanë asnjë aeroplanmbajtës të dislokuar në Paqësorin Perëndimor për herë të parë që nga Lufta e Dytë Botërore, gjë që ka shqetësuar aleatët amerikanë, të cilët i shqetëson grumbullimi masiv ushtarak të Kinës.

Në të njëjtën kohë, Pekini përballlet me rritje të fortë të çmimeve të naftës. Kontratat e reja për naftën bruto në Shangai arritën një rekord prej 929.4 juanësh (137.80 dollarë) për fuçi këtë muaj, pasi grupet e mbështetura nga Irani nisën sulme me dronë që dëmtuan tubacionin Lindje-Perëndim të Arabisë Saudite.

Në një masë të caktuar, grumbullimi strategjik i rezervave të naftës nga Kina e ndihmon atë të mbrohet nga rritja e çmimeve.

Administrata amerikane e Informacionit për Energjinë (EIA) vlerëson se Pekini shtoi mesatarisht 1.1 milion fuçi naftë në ditë në rezervat e tij kombëtare të naftës vitin e kaluar, duke e çuar sasinë totale në 1.4 miliard fuçi deri në dhjetor të vitit 2025. Kjo është tre herë më shumë se madhësia e Rezervës Strategjike të Naftës të SHBA-së.

Megjithatë, mbrojtja që ofron rezerva ka kufijtë e saj.

Bill Bishop, njohës i Kinës me bazë në Uashington, vuri në pah në edicionin e 16 shtatorit të newsletter-it të tij Sinocism se “ndikimi ekonomik global i një tjetër rritjeje të madhe të çmimeve të produkteve petrokimike do të dëmtonte tregjet e eksportit për të cilat ka nevojë ekonomia e Republikës Popullore të Kinës”.

“Kina, sigurisht, dëshiron që lufta të përfundojë – çmimi më i lartë i naftës nuk është në interesin e askujt, por pyetja është kush duhet ta përballojë koston për t’i dhënë fund” kësaj çështjeje, tha Yun Sun, drejtoreshë e Programit për Kinën në Stimson Center në Uashington, në një intervistë.

“Nëse Kina do t’i bëjë presion Iranit, do të lindë pyetja se çfarë do të bëjnë SHBA-ja dhe Irani për të ulur tensionet dhe për të stabilizuar situatën si dhe për të përmbushur nevojën e Iranit për siguri. Deri tani, frenimi në këtë drejtim është mjaft i kufizuar”.

Ndihma për luftën e Iranit

Teksa Kina zyrtarisht është neutrale rreth luftës në Iran, ajo i ka ofruar Teheranit mbështetje të konsiderueshme.

Në mënyrë kyç, blerja nga Pekini e sasive të mëdha të naftës iraniane i ka siguruar regjimit iranian, të goditur nga lufta, një mbështetje jetike ekonomike. Për t’iu shmangur sanksioneve të ashpra amerikane, Kina përdor një mekanizëm të fshehtë tregtie të ngjashëm me shkëmbimin, sipas Reuters. Meqë transaksionet nuk kalojnë përmes sistemit financiar global të dominuar nga Perëndimi, ato i shmangen mbikëqyrjes amerikane.

Administrata Trump i ka bërë vazhdimisht thirrje Kinës të bashkëpunojë sa u përket sanksioneve ndaj Iranit. Pasi administrata i ashpërsoi këto sanksione në fund të gushtit, sekretari i Thesarit, Scott Bessent, paralajmëroi se ata që ndihmojnë Teheranin nuk duhet të “nënvlerësojnë koston e testimit të Uashingtonit”.

SHBA-ja ka disa mundësi për ta detyruar Kinën që të bashkëpunojë më shumë sa u përket sanksioneve ndaj Iranit.

E para është vendosja në listën e zeza e rafinerive të navorura kineze të naftës që kanë blerë

sasi të mëdha të naftës iraniane. Deri tani, **SHBA-ja ka sanksionuar** pesë kompani të tilla. Uashingtoni ka sanksionuar po ashtu dhjetëra kompani dhe anije transporti të lidhura me Kinën nën akuza për tregti detare me Iranin.

Këto masa kanë krijuar pengesa të konsiderueshme tregtare dhe presion për respektimin e sanksioneve.

Megjithatë, Irani dhe blerësit e tij kinezë mund t'u shmangen sanksioneve. Teherani përdor të ashtuquajturën “flotë në hije”, e përbërë nga cisterna të vjetra naftë dhe kompani fiktive, për të eksportuar fshehurazi naftë. Pekini gjithashtu ka urdhëruar kompanitë e tij të mos respektojnë sanksionet amerikane.

Megjithatë, Uashingtoni ka një armë më të fuqishme ekonomike në arsenalin e tij: dominimin e sistemit financiar global. Administrata Trump mund t'i ndalojë bankat shtetërore kineze, që anashkalojnë sanksionet, të përdorin dollarin. Një masë e tillë do të kishte pasojë shkatërruese për ekonominë kineze.

Megjithatë, duke pasur parasysh marrëdhënien e gjerë ekonomike SHBA-Kinë, “vendosja e sanksioneve të gjera ndaj institucioneve financiare kineze mund të jetë shumë destabilizuese edhe për ekonominë amerikane”, tha në një intervistë Ross Darrell Feingold, avokat dhe konsulent për rrezikun politik me bazë në Taipei.

Po ashtu, kompanitë financiare amerikane që operojnë në Kinë ka të ngjarë të përballen me kundërmasa të ashpra nga Kina.

Nëse administrata Trump po shqyrton seriozisht sanksionet ndaj bankave të mëdha kineze, “këto institucione financiare do t'ia bëjnë të ditura shqetësimet e tyre Shtëpisë së Bardhë”, tha ai.

Një pjesë e arsytimit të Pekinit për shpërfilljen e sanksioneve bazohet në interpretimin e tij të së drejtës ndërkombëtare. “Nuk ka asnjë sanksion të OKB-së ndaj tregtisë normale mes Kinës dhe Iranit”, tha Sun nga Stimson Center, duke shtuar: “Dhe, Kina nuk e pranon ligjshmërinë e sanksioneve të njëanshme amerikane”.

Për Uashingtonin, një nga aspektet më shqetësuese të qëndrimit pro-Iranit të Kinës është se ai shtrihet edhe në fushën ushtarake.

“Kina luan një rol kritik, por shpesh të nënvlerësuar, në mbështetjen e bazës industriale të mbrojtjes së Iranit”, tha në një deklaratë në korrik, Mike Kuiken, nënkryetar i Komisionit të SHBA-së për Rishikimin Ekonomik dhe të Sigurisë SHBA-Kinë. Ky rol përfshin sigurimin e komponentëve për dronët iraniane Shahed dhe raketat balistike, si dhe perkloratin e natriumit, një kimikat i nevojshëm për karburantin e raketave. Teherani përdor sistemin kinez të navigimit satelitor BeiDou për të drejtuar operacionet ushtarake.

Pekini mohon se po e mbështet Iranin ushtarakisht ose se po i siguron informacione të inteligjencës.

Qasja e Kinës ndaj furnizimit të Iranit me pajisje me përdorim të dyfishtë (që kanë aplikime si komerciale, ashtu edhe ushtarake), si dhe qasja e Iranit në teknologjinë kineze të navigimit satelitor, “formësohet nga një tension mes interesit të Pekinit për të mbështetur kapacitetet iraniane në fusha kyç dhe dëshirës së tij për të minimizuar pasojat e mundshme”, tha për Radion Evropa e Lirë, John Van Oudenaren, hulumtues në kompaninë konsulente për teknologji BluePath Labs, në Uashington.

Ai shtoi se Kina brengoset nga rreziku i vendosjes së sanksioneve të tjera të mëdha amerikane ndaj subjekteve kineze ose i përkeqësimit të marrëdhënieve me Uashingtonin dhe aleatët e tij.

Ngërçi vazhdon

Gjatë javëve të fundit, Trump ka minimizuar lidhjet e Pekinit me Teheranin, duke u thënë gazetarëve në Shtëpinë e Bardhë më 4 shtator se “ata [Kina] nuk janë vërtet të përfshirë” në luftën në Iran. Trump ka thënë më herët se Xi i kishte premtuar se Kina nuk do t'i siguronte Iranit pajisje ushtarake.

“Ndoshta ata [Trump dhe Xi] do të kenë një bisedë private për peshën e sanksioneve” kur të takohen, tha për Radion Evropa e Lirë, Carice Witte, eksperte për Kinën me bazë në Izrael, njëherësh drejtoreshë ekzekutive e grupit të ekspertëve SIGNAL.

Në një aktivitet të Institutit Hudson në Uashington më 17 shtator, Nick Snyder, bashkëpunëtor i lartë jorezident në këtë institut dhe ish-zyrtar i lartë i Departamentit amerikan të Shtetit, tha se “kinezët duan ta kenë edhe tortën e tyre, edhe ta hanë atë” në Lindjen e Mesme, duke e ruajtur Iranin si shtet-klient, ndërsa njëkohësisht mbajnë marrëdhënie të mira me vendet e Gjirit.

Ai tha se kjo strategji po bëhet e paqëndrueshme teksa lufta vazhdon.

Për Pekinin, “përfundimi i luftës nuk ia vlen të mbështesë një qëndrim amerikan”, tha Witte. “Qëllimi më i madh i Kinës është të distancohet nga SHBA-ja dhe ta diskreditojë SHBA-në”. /REL

Etiketa: kine SHBA Trump-Xi

Lajme të lidhura



"Amerika është rikthyer"/ Trump fjalim në OKB: Jemi në krye të pothuajse çdo gjëje

16:57 : 22/09/2026



Turqia dhe SHBA-ja nënshkruajnë marrëveshje për reaktorët bërthamorë

15:05 : 22/09/2026



Sanksionet e SHBA-së/ Turqia pezullon të gjitha fluturimet për në Iran

13:24 : 22/09/2026



Pjerin Ndreu, si xhandar i takimeve të Ramës në SHBA (Video)

16:56 : 21/09/2026



Gara e çmendur SHBA-Kinë për IA që mund të sjellë katastrofën

21:23 : 20/09/2026



Trump paralajmëron Iranin: Ose marrëveshje, ose do t'ju shkatërrojmë

17:56 : 20/09/2026



RRETH NESH

Boldnews.al mbetet zgjedhja e parë për një lexues i cili kërkon të informohet me saktësi për një lajm. Misioni jonë kryesor është paanshëmëria dhe profesionalizmi dhe për këtë janë të punësuar gazetarët më të mirë në tregun mediatik.
Na kontakto:

NA NDIQ

